

**ხელშეკრულება N193**  
**სახელმწიფო შესყიდვების შესახებ**

შუახვევი

24 სექტემბერი 2018 წ.

ერთი მხრივ შუახვევის მუნიციპალიტეტი (შემდგომში – 'შემსყიდველი'), წარმოდგენილი მერის ფრიდონ ფუტყარაძის სახით და მეორე მხრივ ა(ა)იპ „შუახვევის ინტელექტ კლუბი“ (შემდგომში – „მიმწოდებელი“), წარმოდგენილი მისი გამგეობის თავმჯდომარის ზვიად ფუტყარაძის სახით, „სახელმწიფო შესყიდვების შესახებ“ საქართველოს კანონის მე-10<sup>1</sup> -ე მუხლის მე-3 პუნქტის ა) ქვეპუნქტის საფუძველზე ვაფორმებთ წინამდებარე ხელშეკრულებას სახელმწიფო შესყიდვების შესახებ შემდეგზე:

**1. ხელშეკრულების საგანი**

- 1.1. წინამდებარე ხელშეკრულების საგანია შუახვევის მუნიციპალიტეტში ინტელექტუალური თამაშის „რა? სად? როდის?“ (სპორტული ვერსია) ჩატარება.
- 1.2. ხელშეკრულებით გათვალისწინებული მომსახურება განხორციელდება 2018 წლის ოქტომბრის თვეში სსიპ შუახვევის საჯარო სკოლის სააქტო დარბაზში.
- 1.3. CPV79900000
- 1.4. SMP180001905

**2. უფლებები და ვალდებულებები**

**2.1. მიმწოდებელი:**

- 2.1.1. უზრუნველყოფს ინტელექტუალური თამაშისთვის კითხვების მომზადებას; თამაშის ჩატარების ადგილზე ჩასატარებლად სპეციალური კომპიუტერული ტექნიკის და გახმოვანების აპარატურის მიტანა-გამართვას;
- 2.1.2. შუახვევის მუნიციპალიტეტში ინტელექტუალური თამაშის რა? სად? როდის? ჩატარებას გაუძღვება ა(ა)იპ „შუახვევის ინტელექტ-კლუბის“ გამგეობის თავმჯდომარე ზვიად ფუტყარაძე.

**2.2. შემსყიდველი:**

- 2.2.1. უზრუნველყოფს თამაშში მონაწილეობის მისაღებად მონაწილეების წინასწარ ინფორმირებას და გუნდების შერჩევას და თამაშის ლოკაციის ადგილის განსაზღვრას.

**3. ანგარიშწორება და ანაზღაურების წესი**

- 3.1. აღნიშნული ხელშეკრულებით მიმწოდებლის მიერ გაწეული მომსახურების ღირებულება განისაზღვრება 2244 (ორიათას ორმოცდაოთხი) ლარით .
- 3.2. ხელშეკრულებით გათვალისწინებული თანხის ანაზღაურება მოხდება კონკურსის ჩატარებიდან 10 დღის განმავლობაში.
- 3.3 ღონისძიების ხარჯთაღრიცხვა ერთვის ხელშეკრულებას დანართის სახით
- 3.4. ხელშეკრულებით გათვალისწინებული მომსახურების კონტროლს და მიღება-ჩაბარების აქტის გაფორმებას უზრუნველყოფს მერიის განათლების, კულტურის, სპორტისა და ახალგაზრდულ საქმეთა სამსახურის თანამშრომლები .

**4. ხელშეკრულების მოქმედების ვადები**

- 4.1. ხელშეკრულება ძალაში შედის მხარეთა მიერ მასზე ხელის მოწერის დღიდან და მოქმედებს ვალდებულებების სრულად შესრულებამდე, არა უგვიანეს 2018 წლის 30 ნოემბრის ჩათვლით.
- 4.2. ხელშეკრულების ვადამდე შეიძლება შეწყდეს მხარეთა ორმხრივი შეთანხმებით.

**5. ფორს-მაჟორული სიტუაციები**

- 5.1. მხარეები თავისუფლდებიან საკუთარი ვალდებულებების სრულად ან ნაწილობრივ შესრულებისაგან, თუ ეს შეუსრულებლობა გამოწვეულია ფორს-მაჟორული გარემოებით;
- 5.2. მხარემ, რომელსაც შეექმნა ფორს-მაჟორული გარემოებები, აღნიშნულის შესახებ დაუყოვნებლივ უნდა აცნობოს მეორე მხარეს;
- 5.3. ფორს-მაჟორული პირობების დადგომა დამტკიცებული უნდა იქნას დადგენილი წესით.

**6. ხელშეკრულების პირობების შეუსრულებლობა**

- 6.1. მხარეთა მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.



6.2. ხელშეკრულებით ნაკისრი ვალდებულებების, შეუსრულებლობის ან/ დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,02% პროცენტის ოდენობით;

6.3. იმ შემთხვევაში, თუ ვადის გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ფასის 0.2% პროცენტს, შემსყიდველს უფლება აქვს შეწყვიტოს ხელშეკრულება.

6.4 ხელშეკრულებით ნაკისრი ვალდებულებების შეუსრულებლობის ან არაჯეროდ შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 5%- ის ოდენობით;

### 7. ხელშეკრულებაში ცვლილებების შეტანა

7.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

7.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

### 8. დამატებითი პირობები

8.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წინასწარი წერილობითი შეთანხმებით, რომელიც დაერთვის ხელშეკრულებას და ხდება მისი განუყოფელი ნაწილი. ცალმხრივად შეტანილ ცვლილებებს იურიდიული ძალა არა აქვს;

8.2. საკითხები, რომლებიც არ არის განსაზღვრული წინამდებარე ხელშეკრულებით, დარეგულირდება მოქმედი კანონმდებლობის შესაბამისად;

8.3. მხარეები მათ შორის წამოჭრილ ყველა დავას გადაწყვეტენ მოლაპარაკებისა და ურთიერთშეთანხმების გზით. თუ მხარეები ვერ მორიგდნენ, დავას წყვეტს სასამართლო;

8.4. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად, ორივე მხარემ მიიღო თითო ეგზემპლარი.

### 7. მხარეთა რეკვიზიტები და ხელმოწერები

შემსყიდველი:

მიმწოდებელი:

შუახევის მუნიციპალიტი

ა(ა)იპ `შუახევის ინტელექტ-კლუბი`

მის: დაბა შუახევი, თამარ მეფის ქ.30.

დაბა შუახევი, თამარ მეფის ქუჩა N12

სახელმწიფო ხაზინა

სს `ლიბერთი ბანკი`

ნ ბ/კოდი: TRESGE22

ბ/კოდი LBRTGE22

ა/ა GE39LB0115171413556000

ს/კ 247865145

ს/კოდი 447861760

მერი ფრიდონ ფუტკარაძე

გამგობის თავმჯდომარე ზვიად ფუტკარაძე

  


  


შუახვევის მუნიციპალიტეტის ჩემპიონატი  
 ინტელექტუალურ თამაშში „რა? სად? როდის?“  
 ( ხარჯთაღრიცხვა )

№	ღონისძიების დასახელება	თანხა (ლარი)
1	შეკითხვების მომზადება-შერჩევა პროგრამული დამუშავება ( პედაგოგების ჯგუფი და კითხვების მომზადების ტექნიკური ჯგუფი, საშემოსავლო გადასახადის ჩათვლით )	1178
2	ინტელექტუალური კონკურსის ჩატარების ტექნიკური და შრომითი ჯგუფის შრომის ანაზღაურება (საშემოსავლო გადასახადის ჩათვლით)	1066
3	ჯამი	2244

*Handwritten signature*



ინფორმაცია  
ინტერესთა კონფლიქტის შესახებ

დაბა შუახევი 24 სექტემბერი 2018 წელი  
ვადასტურებ, რომ შუახევის მუნიციპალიტეტში ინტელექტუალური თამაშის „რა? სად?  
როდის?“ (სპორტული ვერსია) ჩატარების მომსახურების შეყიდვასთან დაკავშირებულ  
საქმიანობაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“  
საქართველოს კანონის მე-8 მუხლის მოთხოვნებს.

მუნიციპალიტეტის მერი:

ფრიდონ ფუტყარაძე

